

CCI SEMU,.....ANNAMU A' VUTARI !!

Jò sugnu nuddu 'mmiscatu cu' 'nenti,
dicitu puru chi sugnu pizzenti
e macari n'omu senza gnegnu,
ma pi' viviri beni ci mettu 'mpegnu.
Mi piaci assai essiri onestu
anchi si campu 'nton fausu cuntestu.

Cci semu ! Ancora si v`a a' vutari!
Ti ceccunu e vonnu u' to' favuri,
no cc'è cchjiù nenti 'i fari :
addiventau nautru cannaluvvari!
*"Amicu, fratuzzu, cumpari,
'u votu 'a mmia 'mat' addari,
jò sulu vi pozzu jjutari
e saccjiu chiddu chi s'avi 'a 'ffari."*

S'appresentunu cu' tanta facci tosta
a nuji chi semu oramai ruvinati,
ridduciuti muru cu' muru cu' spitali,
'nteramenti sprimuti e scunfuttati,
eppuru annu u' curaggiu, disgraziati,
'a facci i' sola, brutti scillirati,
'i ciccari u' votu a' nui svinturati.

Muntagni i' munnizza strati strati
cummoghjiunu vineddi e quarteri,
semu ridduciuti comu tanti 'nimali,
alla facciazza di' consigghjieri comunali !

Annativinni arrivisti e munsignari,
mittitivi 'nta testa nu' sculapasta,
siti tutti tanti stuppagnari,
e prima o dopu vi finisci 'a festa!